



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五三一

求聞過齋詩集六卷 朱方增 撰

一

求聞過齋文集四卷 朱方增 撰

六九

御覽集不分卷附周鼎題詠不分卷 葉志詵 撰

一八七

菽歡堂詩集十六卷菽歡堂詩餘四卷 王丹墀 撰

三六七

悅雲山房集十七卷（詩存八卷文存四卷詞存四卷附存一卷） 劉敦元 撰

五三一

岳班集一卷 范日覲 撰

六五一

求聞過齋

詩集

光緒癸巳
春日開雕

序

國朝兩舉博學宏詞科人才之盛極天下之選莫不高文典冊
鼓吹於明康熙戊午初次詞科擢吾邑彭美門少宰爲第一人
沈博絕麗之才當時推爲獨絕遺蹟曠典士林暨稱之越道光
甲申大考翰詹擢吾舅祖閣學公朱虹舫先生爲第一
廷試定卷

宣宗硃筆圈詩四聯溯自美門少宰以來後先輝映又冠詞曹
蓋際我

朝文運昌明卽一鄉一邑間往往閱數百年而一洩其精華
之氣誠儒生之榮遇也已逮丙戌

殿試公從子給諫公朵山先生得一甲一名竹林濟美里黨尤
侈爲美談公紫陽後裔生長詩禮之家玉堂清秘以文字結主

求聞過齋詩集序

知而又性情真率雅容溫雅立朝風度儕輩傾心首王僧達答
顏延之詩云珪璋既文府精理亦道心可以無愧矣咸豐中余
供職京師每遇鄉先達及見公者皆謂公奉

命衡文輶車所到凡山川名勝風土人情莫不紀之以詩其他
投贈之作館閣諸老猶能道之今讀其詩內而鳳閣鸞臺外而

雨帆雲展其當日之寄託歌詠抒寫襟懷恍於心目間遇之惜
公歸道山已六十餘年風流閎寂言之慨然同治甲戌冬余銜

恤里居邑侯王公叔雅屬輶縣志余以搜採遺事過上水邨訪
公故里見玉水流璇源圓折古謂地靈人傑洵非虛語公所

居光裕堂及映雪清娛書室悉遺尊匪兵燹僅存賜研齋德馨
堂數楹草堂荒煙頽垣欲墮徘徊慨慕者久之蓋其時公子定

甫壯方需次吳門尙無力修葺也今公從孫少虞觀察刊公

之詩文集郵寄都中屬爲序文余生也晚弗復親炙公之言論
丰采而習聞故老之傳述迄今披覽遺集猶慨然想見其爲人
姿逸平時景仰之意不敢以不文辭至公之學問行誼詳載於
國史縣志家乘不復贅言是爲序
光緒十有九年歲次癸巳春日外姪孫徐用儀拜譔

求聞過齋詩集

序

二

求聞過齋詩集總目

卷一

古今體詩一百五首

卷二

古今體詩一百五十三首

卷三

古今體詩一百二首

卷四

古今體詩七十首

卷五

古今體詩八十三首

卷六

求聞過齋詩集

目錄

古今體詩五十六首

十

求聞過齋詩集卷一

海鹽 朱方增 虹舫

結客少年行

烏蟾迭圓缺陵谷移卑崇達人貴自立升沈無定容長安少年
子吐氣如白虹胸吞雲夢澤筆參造化功細響斥瓦缶大聲鳴
鐘鐺驚棲必脩竹鳳翔須高桐蛾眉工買笑豈肯安長窮薄俗
銅近習淺識無深衷但見金銀臺不知蓬萊宮獻策迂買傳葉
繡狎終童霜寒澈裘黑夜迴孤檠紅仰天發長歎劍氣慘不雄

七夕詞

人生不離別不知相憶苦離恨流關山方惜歡期阻迢迢牛女
星一載隔秋清月落水橫橋露冷機投杼幽意驟相親渺若天
涯聚一夕一秋心無數悲歡緒短聚長別離思思不成語回惜
求聞過齋詩集卷一

曙星明相思各天宇神仙尙如斯何況人世侶落葉飛秋庭寒
衣急砧杵敲枕方高眠夢魂渺何處

鳳臺曲

一奏秦臺曲 鳳上翠微秋風人不見猶有鳳凰飛

漢武射蛟詞

腥風怒捲江湖赤雨血飛空落千尺敗鱗殘甲滿潯陽天吳夜
舞魚龍泣

冶春曲

珠簾侵曉吹紅玉黃鸝並語闌干曲東風瘦盡倚樓人門外垂
楊爲誰綠

楊柳折枝詞

西風旣帳雪凝甃十八哀笛聽不堪占成荒寒春信遠楊花二

月夢江南

曼倩詞

執戟金門二十年歲星曾說大羅天如何只計侏僂粟不諫公
孫海上船

俠客行

十年磨劍霜華老龍嶺功名戰場好蒼頭軍唱白銅鞮宵夜
出橫門道

隋宮詞

東風一樹冷瓊花夕殿香消泣歲華眼見晉陽烽火急錦帆猶
渡玉鉤斜

雨淋鈴曲

南內新聲教野狐上皇幽恨感嗁鳥傷心聽雨巴山後可憶樓

求聞過齋詩集卷一

卷一

二

東一斛珠

長楊羽獵詞

羽林十五擁紅旌四野秋風筆葉鳴不是君王好游獵邊才先
校百蠻兵

戚姬怨

璫殿秋風冷碧苔舞衣零落楚歌哀君王自約關中法九死曾
無療妒才

明妃曲

邊沙莽莽起黃雲馬上琵琶忍再聞祇有千秋青冢在更無人
問李陵墳

鳳笙曲

小謫黃塵夢綠華瑤笙吹落鴨桃花碧城仙夢渾難醒空老銀

河白項鴉

石頭城歌

六代江山換劫灰白門寂寞暮潮回可憐多少長干柳猶恨東風燕子來

題畫

鏡湖吹綠上星衣春夢何憑歌玉屏花雨一簾人不見碧闌干外鷓鴣飛

郭道人修真處訪菊用陸小巖賞菊韻二首

茅檐風景憶神仙紅葉紛披綠樹連三徑好花饒隱趣一聲嗷鳥破孤禪清香祇合幽人賞瘦影難邀俗士憐彷彿紫綵誇勝境茶煙半榻倍悠然

半畝清閒舊菊坡接人花氣索吟哦西風籬落秋容澹細雨圓求聞過齋詩集卷十一

卷十一

三

林冷豔多初地芳菲憑點綴小春時節尚溫和茅庵遲日重經處試問霜枝磨幾何

登泰山

地拔五千大山盤十八重碑殘秦帝字檢勅漢皇封河海尊三大兒孫擁萬峰幾番經劫火何處問遺松

秦良玉屯兵處二首

即今四川榮

一拜平臺詔當年石砮兵擒渠仙寺嶺破虜竹園坪殺氣秋逾肅雄心夜獨盟祇今刁斗靜猶想舊蕃營

太息思陵日中原動戰爭將軍誰殺賊故壘獨屯兵國破全家沒時危一柱撐即看青史上徧載貳臣名

楊忠愍公故宅四首

靖難稱師後殘夷二百春中興無令主內賊有權臣宗社悲危

郭河山感積薪不思從答禍英廟舊裝塵

艱難謀國日涕淚上書長浩氣凌河嶽危詞泣鬼神奇冤三載構大義五姦陳忠烈他時疏同看紀史臣

狄道諸番俗猶傳舊俗更如何天子聖不鑒小臣誠太息臨刑語倉皇伏闕情劇思漢文帝請代許綰紫

延綬流寇起兵燹滿中原列后諸陵廢孤臣半壁存荒庭猶草

邑斷檻自苦痕今日瞻祠宇靈旗黯不翻

習射

扶桑弓挂天威響四海烽煙銷雉堞鐵甲初回隴右兵金鏐早奏淮西捷武臣脫劍敘邊功文士彎弧氣轉雄射虎敢矜飛將勇落雕還慕健兒風秋原草綠塙雲列狸步分明量一一相圖何人手解揚華林有客腰駁出分曹角勝度從容猛力休誇札

求聞過齋詩集卷十一

卷十一

四

七重貫到益心能自擅引來援臂藝誰工盤空作勢千鈞舉石如附枝左如拒輪開滿月控烏號光閃奔星飛赤羽赤羽飛來萬人喝疊鼓驚寒鳴不歇畫鶴中穿一綫通懸熊深入三鏹沒

數枝絡繹隨風遞後塵學步矜持細鐵影旋驚飲別竿鐫聲柱

自鳴空際臺釐千里竟懸絕狼牙旁落稟筋裂巧拙真從此日

分合離還向平時決平時脫符鋒銛利非將歲月供游戲學宮

自古育奇才盛世何嘗忘武備君不見宋家天子臨軒試羣臣

擬矢彤廷侍妙技曾將玉帶旌殊恩更拜宮花賜

耕藉禮成恭紀二首

典重元辰

幸藉初

皇心管下切農書

續廬馬載安瀾後壤擊甕民播種餘已見登縣親
鳳推更因

若稽動

鑾輿占豐預紀靈臺史不藉周詩卜夢魚

駕展蒼龍鶴曙曦農壇

齊肅祀靈祇百年久樂由庚世七載重諫吉亥期紅杏雨晴瞻

黛相絲楊風暖曳青旗功開一坡栽培厚

惠澤醴敷萬衆滋

外男孫貽雲先生以春草詩寄示即和原韻一首

長水空懷舊里塘兩年江國阻尋芳春風南浦牽鶯恨雨夜西

堂夢雁行橫海煙濃浮瘴滿湖山日暖踏青忙回思鸚鵡洲邊

景遠道縣縣惱客腸

求聞過齋詩集

卷一

五

燕郊春響馬蹏過十里香痕宿霧消還水潏藍浮渡口亂峰送

綠上山腰裏迷到處繁官道柴落何人問野橋生長蘆洲籠雨

露秋風那復怨飄蕭

盤香二十韻

迷迭珍西域兜婁貢北蠻濃芬煎百味巧樣珠連環細細搏沈

水重重擁博山雙輪旋蟻磨一髮引螺鬟宛轉蛛羅網玲瓏獸

招銀燭浮蜩蚪篆屑酥鵲斑香閣三層外鐘峰九疊間火虬

蟬曲折灰蚓撥紅殷勢繞羊腸曲形分鵲尾臂相思應燕草吳

味勝焚蘭幾縷紫賓館千盤購市闌然依仙案近懸傍佛銚聞

蔬餽龍噴廚圍闔鏡舞鸞流光孤月抱垂象五星圖恍逐回儀

運誰搗滿袖還盈筍圓玉髓拂座炷金顏輒側閨情結纏綿客

緒關迴文紆寶鼎已字做華羹式愛楊越肖名看葉譜刪年年

青瑣院皆愧自燕班

陶雲怡比部移居兵馬司街詩以贈之

絲竹長竿放畫船瓊瑤歷句世爭傳人如李洞吟千首師有袁

安紀一編雲怡爲袁人史萬前天上郎官今列宿山中宰相昔神仙未曾

藉并燕臺地心折平原已十年

長安花發馬蹏驕回首江南路正遙珂佩曉鳴青瑣月關河夜

夢白門湖九衢塵轍淹三載一代詩才殿六朝記得宣南坊外

住春風樽酒慣相招

滿院椿陰護綠屏比鄰鵲鴦一年依陳蕃就辟紆華綬謂王竹曲銳應官拜繡衣舊壘已看鴻遠去新巢又見鶴高飛

迎門童子應相識昔日連牆似我稀

園林別構足盤桓丁字簾垂亞字闌紅霧藍迷花幾樹絲雲濃

求聞過齋詩集

卷十

六

繞竹千竿烏嘯細雨留賓榻鈴語斜陽送客鞍何日重開金谷

會驀筵相與試藥丸

題翁宜泉師古瓶冊

碑蝕苔封已百年良工遺製半荒煙自從拂拭春風座播碣曹

碑姓其傳

投壺十六韻

戴氏篇存記張公器載圖壺雙囊玉矢尺二鑄金壺削竹傳新

樣題袍自舊模號名尊約尾樂節重騶虞雅戲邀賓角開情佐

客娛聚精同射戟作勢類彎弧電掣銀標疾星飛鐵鏃殊台離

爭杪忽巧拙辨須臾想像兵三捷裁量地九扶如鉞鋸石引像

水望江趨絡繹青莖積聯翩赤羽俱旁觀驚鼓掌當局笑掀天

進退俄分序奇鈞忽異途藏編純記一罰盡注并捋周瓊才原

少裴寬技絕無太平銷武事游藝效吾儒

花飛曲

東風滿地吹銀雲紅鵲數雙向人飛瓊下視笑塵海碧桃天上三千春仙杏纔紅桃自碧湘簾翠壓欄杆亦是處青招買酒旗幾人蠟燭看花屐花落花開總惘然看花心事憶年年細車轉轂同流水銀炬彈灰過禁煙禁煙節過韶光促畫眉空抱花枝宿陌上歡貽玳瑁鞭筵前怎起筵後曲

從軍曲

羽騎秋馳馬驚關單于獵火照陰山六軍休灑胡笳淚蘇武新持使節還

題座師蔣霽園先生觀我圖遺照一百韻 并序

於辛酉歲受知師門知吾師由名諸生登翰苑轉侍

求聞過齋詩集 卷一

七

御擢卿貳四十餘年公暇即博覽經史兼釋內典著述甚富不輕以示人 曾見手許少陵義山兩集榜嚴金剛二經又有守經堂時文選自陸萬迄 國朝凡千有餘篇師天懷肫摯教人諄諄不倦 常隨侍左右日以講求實學屏絕浮華為訓癸亥春師兆應騎箕感泣何極而爰亭前輩又招與同居情誼周至式瞻遺貌述德抒懷因題百韻

名臣河洛起重望斗山尊一代訂謨建千秋畫像存家聲隆前史世澤映陰樊瑞氣同鸞見祥輝並鳳鳴華簪三葉嬈健嗣九霄翥藻采煥宮冠襟懷夢渚吞通儒推杜預師表仰徐爰攀驥情趨踰 曾學教河南長葛縣騰蛟勢蟠蛭蛭說丹桂析班孟墨花噴史筆高詞苑封章早諫垣廉隅浚矯矯峻骨峙嶠嶠立

法能除弊陳書不避怨滯途齊振拔捷徑少排損趨競階梯經上華川內閣中書又奏禁督撫指各缺與人員俱 羽衛屯講張憲巨猾婉婉雪奇冤 門擢李藩樞樞收豫賴杞梓集湘沅國器儲圭璧瓊委萃瓊瑤鎖闥頻校謝京兆又還袁惠政流

陸閣愛才尤汲汲浮議任幃幙鶴鳴遠塵空舉鯨看跋浪掀電雲聽奏陳其才勇為序議廷議其等入聖更議或阻其庶試降亦以門生帶錫連番朱瑟客臺樂黃彝向食樽雲司持鄭重雪客驗平反電燭明鏡風簫譜大管慈祥唐寶誕正直晉劉暇理入年天降神山驚人誇大海鵬四禪通妙妙九列土庇庇法馭供鑾輅閑駒駉大宛康端俱紫綬環類並朱蟠 由翰苑歷

嚴輔廉名達

求聞過齋詩集 卷一

八

龍飛國紀元

草恩宣

玉旨頒爵選金昆花種河陽墅桑栽襄縣村嘉慶元年介亭世所西北象賢重有譽集祐更無垠服總泰廷身班崇漢殿鴻皇

華胥

簡命星使出輶軒

北闕辭仙仗東溟耀彩帟郊關人秉節驛路馬垂韉魯地文章

藪尼山道德源六旬時雨化十郡士風惇禮攝春卿重工權水

部繁

九重資作礪二月

詔還驄已未冬第以副諫御史觀學山左旋授少宗伯轉少司

詔還驄已未冬第以副諫御史觀學山左旋授少宗伯轉少司

詔還驄已未冬第以副諫御史觀學山左旋授少宗伯轉少司

今山左士旌旆旗亭迓笙歌祖道喧茅櫓勞惠問
舖座進昌言圍法詠王錫帷謨運郭輦偏災雲起蜺近輔水浮
電噉學多鵝雁懸庭少特狙
宵衣廬撫恤夙駕懷嘯咄已溺其憂勞民拯等救燭野廬頌救

寢殿比松栢原隰頻馳蹇泥塗宛跨健臣忠盟益恪
帝語獎逾溫命平西夏京師被溺承紀續鐘銘景流膏并潤
轉歸平子謂平子觀謂平子年謂平子緣合樂昌婚謂平子在籍時有同邑某
蕭相師謂平子酬謂平子厚謂平子元公姪撫崙本根培葛藟同氣篤
麗填足挽狂瀾倒能回寒谷喧仁聲同戚里清俸儉盤飧美饌
輕紅脣嘉蔬愛綠萼濯冠風效晏炙輶說嗤髡守白常安默研

求聞過齋詩集

卷一

九

朱偶破煩吟篇搜藻府祕典繹泥洹密諦三乘闡奇文萬卷繙
琳琅登一帙錦繡聚千純寶笈堪貽燕金鍼信度駕瓊梨傳愈
永桃李植彌蕃仙榜辛年啟人才甲觀掄持衡珊網海握鑑玉
搜崑自愧藏如蠅何期化儼鯢賤蒙收瓦礫美獲瑤瑤現竊附
翹材館欣居通德門蟬聯容共進鶴立敢同論少憫書生賈貧
憐弟子原牙鐵道夾深當出所藏書珍膳向王孫講席親楊震
詩籌課許渾瀛洲期騁步越水止歸輪王成夏贈欲乞假南小
草叨噓植康衢藉引援高深伴岳瀆覆載比乾坤兩度涼暗易
雙輪日月奔蛇驚占鄭識龜柱卜荆棹柱石
形埤折星辰碧落昏滿朝悲動色載路痛招魂誼沉深盧植心
尤戀孔瑤恨逾秦隴鳥哀勝洞庭後厚澤終生戴交情再世敦
環街猶抱憾廈底復邀恩階并依然吐欄花似舊翻山庭客莫

接几杖手空捫寂寞傷壇杏馨香薦澗繁典型欽嶽嶽渠誨測
啍啍延算無甘谷調愁乏合楫碑看題陸偉圖憶寫張萱林麓
橫峰影破塘盛浪痕竹松園掩映荷菱繞紛組靜坐消閒晷澄
觀證道根朗懷真浩浩天趣自云云景物思經帳音塵感總旂
瞻依神慘愴展拜涕潸潸不盡西州慟拈毫誌弗諼
和陸桂舟移居原韻

頻年獨處似僧龍若挽香鍾趣自詣海官味同章叔夏妙書神
似褚河南人緣落拓情俱暢境到安閒夢亦甘聞說板輿來
北關好供蘭膳學蘇耽
從此浮蹤異旅鴻一家歡聚鳳城中黛痕京兆描新月詩格平
原溯舊風故里音書曾渺渺畫堂笑語自融融遙知越水樺枝
健兩字平安兩地同時尊甫留廣文任未赴鄉

求聞過齋詩集

卷一

十

槐庭雜詠六首

登瀛門

聖祖龍飛玉署開恩龍佳氣繞蓬萊
兩朝仙仗排雲入一代文人接踵來

清祕堂

嘉名摩錫記

高皇

宸翰親揮倬漢章一自春風排玉案滿堂時馥

御鑪香

敬一亭

雕甍畫檻鎖景思中有廣輿百首詩記取十行寬大
詔殘碑留得舊箴詞

劉井

萬斛新泉汲曉風
曉風曉曉轉玉堂
東澤洲真有神仙井
休向江南問葛翁

柯亭

先皇御筆留新詠
學士高風繼舊蹤
三百餘年貽澤遠
兩行古柏綠陰濃

鳳池

蟬吻噴流一鑑開
中央仙閣湧亭臺

玉宸昨崩頌

新詔添起

恩波萬斛來

雨屏

求聞過齋詩集

卷一

主

溼雲如墨黯長空
颯颯風颭撲畫欄
一夜小樓人夢後
萬家春樹鳥啼中
停琴山寺看飛瀑
載酒江亭聽打蓬
恰喜西南兵乍洗
鳴鏑聲裏捷旗紅

甲子春

聖駕幸翰林院

方增仰預

恩賚恭紀

法駕臨晨出槐廳
紀巨觀蓬萊

仙仗入

朵殿

御煙攬

日角欣同仰

天顏許近看
整衣遍七校
屏氣肅千官
霞展霓裳集瓊樓
玉宇

寒臣衷方勵素

宸翰早垂丹
札纓星雲麗便蕃

雨霖寺韻樓廢院體

恩旋荷掌養典
迴魚頭雲芳盛
馬腦盤山淵神益
切日月繪容難賦集
三唐盛華英吟
一字玄淋滴愧樣
筆優渥遠

輕翰節啟文綰燦詩

頌杜律完硯涵
新鶴眼茶碾小龍團

太液波真闊
柯亭壘未乾
誌應早李華
圖欲爲胡寬
滿置雙絲

絳齊華七寶鞍
蹄陳珍紫紱拜振佩珊珊

願賞詞曹獨

殊榮舉室歡
寸心何報稱
敢以論思殫

甲子夏聞江浙被水成災感賦三首

淫雨逾三月
滄流困一鄉
關山愁隔絕
魂夢起徬徨
地勢通江

瀕人家逼海
疆梓桑遺棄
念況乃有高堂

求聞過齋詩集

卷一

主

徬野無禾黍
傳聞但草萊
荒村饑鳥下
蕭寺餓人來
驅寇晨炊寂
燼樓榭角哀
誰爲漢虞詡
議策濟沈災

魚鼈原田起蛟龍
窟宅移嚴城危古堞
頽屋股荒基越水餘生

瘁吳趨舊俗疲側聞矜恤

聖主念瘡痍

汪小竹全德以紀夢詩索和卽次其韻

猿人春色上邗江
小閣臨流招項窗
明月二分橋廿四
玉簫吹處總無雙

憶到華胥撒手行
石邊香夢證三生
蕊珠宮內神仙錄
記得青琴是小名

迴廊月上款瓊扉
正是香篝玉篆扉
焚尾時光天乍燠
晚妝曾

換五銖衣

彷彿瑤笙奏碧城小窗銀甲夜彈箏大羅天上題詩後親聽霓裳第一聲小竹新韻

初夏招吾南園孫雲浦小集賜硯齋偶成

輾轉車塵五載中驚聲曉老落花風羈人蹤迹憐王粲壯士功名愧寶融異地親朋聊縱酒天涯兄弟惜飄蓬時家小婿兄不堪更唱陽關曲歸夢頻牽越水東

乙丑夏復聞浙江杭嘉湖三郡雨災詩以誌感三首

往歲傷淫滂蒼黎氣未蘇禔氛今復見衰敝更誰扶碩鼠虛村落哀鴻滿道途催科休更急有

詔已蠲租

故土三千里偏災十五城江淮趨白浪溝壑轉蒼生館冷紅蠶

求聞過齋詩集

卷一

圭

陷腔荒赤雁杭海濱原瘠地況復廢春耕

十萬

中朝帑災黎被滯深救荒原吏治流禍豈天心身世嗟匏繫生涯感陸沈平原重作賦不獨爲愁霖

馬鬼驛

拂廬妖氣燭星芒早識豬龍擾朔方誤盡國家張采訪參成烽火李平章陳陶戰血滄流赤蜀棧喊痕宿草黃邊燹果緣妃子啟南朝宗社爲誰亡

新秋病起

槐廳事少儘閒居又擲駒光半載餘紅菱池塘新霽後碧梧庭院早涼初平生宗向千秋在故里舊書一月疏令節關心勞夢寐高堂繫念更何如

雜憶

江山如舊別愁新話雨西窗事已陳有草荒原長臥客落花遠浦未歸人惺忪旅夢雲千里撩亂心旌酒百巡聽馬天涯何日到滿堤楊柳又殘春

渭城一曲最關情滿院梨花夢未成舊日樓臺飛燕影祇今風雨杜鵑聲白門自送春潮急碧檻誰憐夜月明惆悵青鸞消息斷銀河無復聽吹笙

恭進

東巡頌冊蒙文綺荷囊之寶篆紀

曉日臚臚啟

紫宸

蟻劫珥筆紀

東巡明堂賦敢追前哲湛露詩偏逮小臣雲緇七襄機錦榮月

求聞過齋詩集

卷一

古

銜半珎佩囊新要挈亦感恩如海尺鴒聲中笑語頻

送雲浦還平湖

少小結髮弟兩意無差池君來事文戰盡室爲解頤困麟輒點續倦鳥因思歸明知別離苦又恐淹留非高堂已垂白定省難久違行行捨君去既捨還復悲餞君城南曲揮涕如縷廢今夜一樽酒明日誰同持盃冬木葉脫行旅慘不怡顏景易西匿朔雁方南馳瞻望不復見雲樹空迷離

移居西甌胡同

草木黃落霜滿庭鯉魚風急鳴檐鈴呼奴曉起理燕器新居已卜西南坳碌碌車轉兩輪簸長脰短筇堆奇零亦有束笥皮巨篋文淵閣本開成經郊島寒瘦到家具路人指點頗爲煩廬

紙閣幸修潔迴飈不使穿疏櫺晴窗無事弄柔翰卷簾半對西山青況復法源寺最近蕭穆古木環禪局明春倘值雨新霽著展探偏花冥冥十萬買都計更得東西屋住到與丁偶然退食足談醺莊諧雜起能忘形客因考室索我飲長鬚奴子攜瓦瓶堆盤蔬果頗不惡花豬肉膩魚嫌腥僂僂舞樂未罄無奈燭跋催客行恩促送客出門去仰頭瞥見昏中星

史館夜直

迎秋雨過正新涼鈴索聲清徹玉堂鴻秘屢成周六典麟編愧乏史三長瑤樞耿耿天無極銀燭幢幢夜未央夏絕蓬山輪小宋更無紅袖爲添香

擬琵琶行即用原韻和程礪漁表弟作

天風吹送騎鯨客小住蕪城聽瑤瑟春鄰漲綠盡畫船水閣珠

求聞過齋詩集

卷一

五

簾鳴管絃鸚鵡雄龍別不照吳剛天上月仙源路轉暗香來忽遇瓊花一枝發花枝連理種從誰卷幔停燒低問遲星衣翦綠參差見珠闌瓊房侍仙宴小釵初苞豈惹胎低鬟乍識芙蓉面圓黃細嚙嫩鶯聲掩抑珠喉淺露情青鐙促坐旋縈思自道煙花非素志家本西湖異姓王談來麋鹿姑蘇事機中錦字早工挑阿母無端教綠么桃花飄泊曉紅雨萬斛愁情向誰語秋蟬春鷓鴣一彈三五明月懸晶盤新移鶴澗瓜皮艇來傍雷塘紅夢灘憑欄一聽心悽絕腸轉車輪久未歇自從蝶夢醒莊生十年未聽箏聲燕山月上銀槽響汶水風來鐵撥鳴多少無鹽工刻劃五陵年少揮金帛蠅玷終留素壁細蠶經誰紡冰綃白天花散落輭紅中火井蓮開綽約容前身瑤島青琴女十二層城留不住墮劫愁埋難剎城轉輪還仗天龍部停樽密語

求聞過齋詩集

卷十

夫

龍泣蒼茫煙水不見人一片征颿浪花溼

法源寺看花作

杏花雨過天初晴馬蹏催我西郊行法源寺古最幽復六時清課門常局幾日淑氣逗花信微暖吹出鴛鴦聲車寶馬絡繹至治游爭借看花名禪扉敞啟曲徑盡春風一笑嫣然迎花香時亦見蛺蝶接葉惜未聞流鶯回頭忽動故鄉思江村三月方清明舍南舍北發春水雨絲濛濛空煙迷汀瓜皮艇子客三四一枝拂曳菰蔣鳴菜花黃徧李花白徘徊倚竹羅書屏至呼此中飲亦得淨地布席如掌平矮足几列步障繞我傍安坐適禮經家製臘肉肥腴勝琥珀清若美酒傾瓦瓶貓頭筍脆野蒿嫩更有蔬果堆零星兩頭鱸魚乍釣得筆以之極堪作鱸或爲鯽或魚噉但許皆醉無獨醒微酣正好晚炊熟流匙白雪抄香杭

輭紅不到東緣淨歸舟恰趁新月生此境契闊候八載縈塵泥
我留燕京今初游興差快意欲攜明月來吹笙

清明日有感時寓居揚州休園一首

一載天涯類轉蓬爪鴻蹤迹太恩惠扁舟湖海春潮綠蠟屐亭
臺夕照紅懸榻向逢陳仲舉傳經終愧馬扶風傷心猶灑麻衣
淚那忍紅紵玉殿中

八年夢飯未親澆客裏清明又此宵難得舊交逢白傅詩挑秋
前兩自憐壯志減班超春風漫坐三千士夜月誰憐廿四橋飄
泊長途慚負米一鐙旅館夢魂遙

自邗江旋里留別阿厚庵巖使張硯泉太守姚秋農白小
山兩前輩及同里諸子四首

春江水暖駐行旌新綠橫窗鳥自鳴長堤有花消白日轉愁無
求聞過齋詩集

卷一

七

澤到蒼生一帆自作歸雲計三月難忘舊雨情藉草旗亭勞饒
別澆愁不覺酒頻傾

蕪城吹起角聲寒游子天涯顧影單結客好嫌分手易受恩深
惡報時難一抔風雨情猶慟千里關河夢未安僕指郵程何久
滯重勞慈母倚閭看

未許勞薪息海濱疲驢偃蹇踏風塵異鄉簫管難爲樂舊日親
朋半是貧多謝平原能愛客只愁王粲尚依人江南極目哀鴻
滿還望安全仗重臣初裝

飛來閒夢白鷗邊憔悴征衣又一年謝傳東山長戀闕張衡南
郭暫歸田門前彈鋏原非策海上聞琴或有緣多少淮陰漂母
感壯心翻愧受人憐

神龍曲

神龍衙衙天半舞領下珠光忽吞吐飛瓊水瑟夜罷彈曉夢探
驪來合浦雲容離合紅袖翔仙掌一擊明夜光陸離五色懸金
璫寶旌搖曳遶瓊房元霜玉杵丹初熟擣碎紅螺香萬斛珊瑚
結給金絲盤飛上霓裳添韻郁嬰靈曲罷星斗斜瑤宮琥珀斟
流霞玉樹交柯結連理蓬萊宛轉迴雲車

程母江貞婦歌

愁雲黯澹鏡無光休留夜曉語寬梁鈴旗捲影驚鸞翔修文一
去層樓黃簾南有女紅樓住噩夢秋窗候驚驚雲旗白馬恍惚
來鳳凰臺折飛塵埃琉璃一片紅淚溢翻身忽共雙鷗沒魚龍
夜泣水仙驚羅襪波重擁出樽桑日曉慘不紅麻衣慘雪迎
門入新稿夢結故鬼悲靈風颯爽吹重帷堂前憶子白髮哭山
上望夫學袖曉天荒地老愁不已黃鸝秋風歌又起仲雅騎箕

求聞過齋詩集

卷一

六

季子孤孤鷺屋滿寥空裏夜深促坐鳴哀絃金釵拔盡炊無煙
呼佛無靈天不憐十指凍裂寒機前頽陰急景霜盈顛苦槩茹
老青春年蟻蚋結網懸空幃仙風引路瑤池歸生前青鳥不雙
宿化作鴛鴦墓上飛

兩船行

長風東吹雲勢逆激流西下箭飛疾煙檣如馬走不停西舫東
船忽相接羊腸路轉雙峽峙一縷飛濤各奔入天崩地裂霹靂
鳴耶許一聲兩舫合勢如太華連雙峰力盡巨靈不能擘盤空
巨絙忽倒懸萬夫洶湧環隄立摧枯拉朽若搏兔怒獅一吼長
繩裂絡繹估帆銜尾來銀漢紅牆兩隔絕喧呶呼噪不斷聲誰
有黃龍負舟力須臾一柱砥柱流擣入狂瀾齊挽出風馳電掣
萬艘行夕陽西墜東生月同看岸側舊時船舵折桅橫蓬碎缺

徘徊煙水不能行
翻笑先時何太急
人生狹路或相逢
胡弗暫爲退飛鶴

游硤石西山寺

野店危橋外
斜陽一徑平
山空僧入定
鈴語佛無聲
遶岸歸樵擔
扁舟駐客旌
故人何處訪
相對有餘情

登譚仙嶺

神仙不可見
嶺上獨逡巡
古屋懸崖壁
深山鳥避人
埋雲丹竈冷
無主野花香
春下視蒼閭
地黃飛五斗塵

半山道中

舟過半山道
山入杳冥波
光搖日紫石
氣抱雲青漁子藏
深溪驚師畫
碎萍幾家茅屋外
鴉點晚零星

茶厘以讀齋叢書見贈卽和茶厘百疊東坡韻誌謝並

求聞過齋詩集

卷一

九

以留別

鄉娘福地縉幽熟
滿目球琳窺簡竹
異書似借漢荊州
別序翻成李盤谷
天涯驄馬識君遲
海上烏蟾催我速
黃塵五斗拂征衣
山山種徧相思木

和吳松雨留別原韻

亂蟬破曉晚晴天
歷歷煙檣指去船
幾日暫停長水屐
八年曾拂荊門鞭
空令羈迹塵中滯
未有奇文海外傳
爲語多情吳季重
他時攜手五雲邊

題晉永和軼硯四首

上有永和九年秋八月七字陳南叔得於海上

鄧州城郭蕩寒煙
重話滄桑大海邊
儀鳳樓荒靈圃廢
銷沈猶有永和軼

烏曉海國有孤村
夢馬河山迹尙存
夜夜燭天光怪露
寒潮湧

起顰頭門

魏時銅雀宋澄泥
斷甃殘甃認舊題
奇想忽同溫驛騎
風腥海市手然犀

璚彬古色薜花青
七字流傳硯尾銘
記取山陰觴詠日
半窗修竹寫蘭亭

春樹兄以避暑十景詩寄示和答

流泉碧漲

暮雨初晴水鏡開
芳塘閒步意徘徊
一篙新漲連江綠
遙望扁舟破浪來

西嶺晨霞

閒倚高樓縱目頻
西山漸見曉霞新
斜拖麗錦紅千尺
飛近蓬萊映玉人

求聞過齋詩集

卷一

十

北窗秀竹

颯颯清颯送晚香
千竿秀竹動微涼
北窗小坐煩襟滌
一徑蕭騷引興長

漁歌晚渡

一葉漁舟向晚行
幾家燈火月初明
清宵無事憑雕檻
遙聽淩歌四五聲

一曲琴聲

幽琴閒操畫堂東
漸覺南來解愠風
一室清涼心自得
蟬聲斷續綠陰中

萬壑松風

鬱鬱喬松植小松
幾叢翠色映雕欄
虬枝動處風微起
萬斛濤聲入夜寒

酒市雲香

遙看前村曙色分當墟掩映露紅裙連山眉黛真無匹綠睛香風欲竊雲

山水風光

風吹綠水湧深灣雲滅煙消現翠鬟極目高臺無限景一谿碧浪幾重山

曲水荷香

曲水盈盈泛小舟輕風低拂暗香浮紅衣惹感情難抑不羨樓臺羨並頭

山臺夜月

碧天如水月初斜皎潔應無片翳遮閒向山臺歌子夜不知短笛起誰家

求聞過齋詩集

卷一

三

過鎮江

一棹秋風裏江城俯珠江山盤深樹綠沙湧濁流黃古驛停征騎孤村下夕陽妙高臺外望樓閣隱蒼茫

望焦山

孝然高隱處攬勝曉停艘山勢金陵抱潮聲鐵甕撞蛟涎歷古澗魚目眩空江瘞鶴銘難見摩挲獨石紅

懷姚秋農白小山兩前輩二首

同憶瀛洲地天涯見玉璽黃扉姚相國紫禁白文公禮數尊前輩交情萬古風相依三月久分手惜恩恩

一別千餘里榮懷十二時關河青雀舫城郭綠楊絲雁信三秋約難聲兩地思無窮知已感不獨爲傷離

贈揚州張硯泉太守

求聞過齋詩集

卷一

三

牛斗星邊擁節幢南湘清望重南邦卿雲人仰來三晉福曜天移到兩江識洞晶鐙銷雀角勳銘鐵履錄魚紅遙聞士女謳歌樂鼓吹朝朝起畫樓
春風桃李滿門牆玉尺頻看鎮院量文望六朝周庾信經師一代漢毛萇龍岡人物添新志鹿洞規模擴舊章早識盛名高北斗荷香清話興偏長

求聞過齋詩集卷二

海鹽 朱方增 虹舫

明月樓詠

東風十里揚州地城郭垂楊晚游騎參差亭榭繞繁紅宛轉湖
山入空翠就中百尺趙家樓碧檻珠欄晃斗牛花驕客擁黃金
勒香幕人懸翡翠鉤蟾蜍瀉影金波溢一片琉璃照璇室夜蟻
歡浮玉女觴秋蛇笑綰王孫筆淋漓墨瀉題名鳳時鸞蹲揭
畫楹螢火已看消廢苑鴉雛又聽賦蕪城調絲揚管風流歇綠
草淒迷埋斷碣三千裙屐更無人惆悵年年二分月

重陽日陳惺齋明府招飲署中即席賦謝四首

寒砧夜擣蜀岡邊客裏重陽又一年異地茱萸兄弟別小園梧
柳友朋聯時與姚農白小山兩前輩嚴子浮雲海國鷗鳬迹

求聞過齋詩集

卷二

十一

細雨江城蟋蟀天多謝陳蕃頻下榻開樽坐對菊花前

棠陰種徧綠楊城簫管湖山溢頌聲鶴髮望高文潞國鼠牙訟
息趙郊卿春筵裙屐光風度秋館壺觴舊雨情獨惜登高豪興
阻滿天不放晚來晴

官開紅燈進桂看客情款洽喻投膠蓬山風度皆前輩謂洪桐
蕭小山薇省文章半故交趙味辛司馬千里驛盟來駱嶺十
年話舊憶蟪蛄轉憐司馬青衫別又拂征塵折柳稍馬將之通
州

越江秋水滯歸艫冒雨招邀醉醺明月樓前歡藉并扶風席
上愧傳經頻年鴻印留淮海一夕猿聲叫洞庭難得題糕成雅
集重添佳話竹西亭

題孔秋浦神葉肄書圖

倉頡造字未有紙龍書鳳書傳誰氏其時服卉衣草人用葉濡
毫或防此後來削成汗簡青零紅碎碧空堆庭孔君嗜書有奇
癖秋蛇縮影春蠅墨園中烏桕十萬樹樹樹撐空拂雲霧西風
夜起落葉飄掃兔飛魚當紉素置身恍到摩伽陀王梵筵書
貝多水流山峙勢不一錯落濃點迴纖波有時學作長史草吹
林扇樹雲煙繞有時渴筆仿徐浩扶石奔泉怒猊拗淋漓墨瀉
洒平蕪苦文辭字交模糊縱橫起落得天趣十指生氣同稿枯
勞勞笑我走長安學書未遣蛟龍蟠何當擲筆榮侯園長鯨一
吸墨海乾

題沈青藻寫葉惜殘紅圖

先生惜墨更惜花春林萬葉紫秋蛇玉樹交柯搖碧霧金壺酒
汁凝紅霞十行蝌蚪分仙篆黃絹妍詞題宛轉窗下新揮麈尾

求聞過齋詩集

卷二

二

圓枝頭舊聽鶯聲聲輾東風回憶養花天姹紫嫣紅畫檻前香幔
幾重深院護金鈴一串絲絲懸霜華倏換晴紅媚紫玉成煙綠
珠墜詞客三秋悵寂寥花神一夜添憔悴簾卷中庭晒舊柯蕭
穆無復綠陰多烏絲寫徧相思字鳳管吹殘懊惱歌零紅飄泊
愁雲疊香波一勺銅溝滑何緣流到玉皇前催得明年花早發

沈組雲丈留飲出秋林待月圖見示即席題贈

主人華堂夜讌客桂有椒醪陳絡繹歡欣振蕩不復知醉起狂
歌自岸幘此時暮色正冥冥一輪未見琉璃碧遙巡示我待月
圖對景揮毫氣辟易先生前身本明月翩然飛下蕊珠闕聚霞
風度神仙姿瀟灑酒泉林自怡憐有時擲筆作奇句手拔乾蛟一
千尺平生生意氣凌層霄愛客長馳鄭莊驛去年南歸始相見肝
膽交傾略形迹恩恩一水忽解維重來不管雲山隔高談雄辨